

21.oktober 2020

UKA2020/200

Minamata-mi isumaqatigiisummut atatillugu Namminersorlutik Oqartussat Kalaallit Nunaannut nunap immikkoortuatut tunuarsimaarfiginninnermik atorunnaarsitsinissaat pillugu Inatsisartut aalajangiiffigisassaattut siunnersuut.

(Sulisogarnermut, Ilisimatusarnermut Avatangiisinullu Naalakkersuisoq)

Nunarsuarmioqatigiinnermi mingutsitsineq allamit pilersitaq nunatsinnut imaaliillaannaq sunni-uteqarsinnaavoq silaannakkut aammalu immap sarfaasigut uatsinnut anngussinnaalluni. Nammine-risamik nunatut mingutsitsinerput annikinnerpaaffianiitinniarlugu sulinerput sulerujuk anner-tusarneqartariaqarpoq, suli annertuallaaqaat avatangiisitsinni eqqakkat aammalu eqqakkat arror-tikkumininaatsut sumi tamaaniinnarmiittut takussaaqaaq. Suliassaq angivoq taassumalu akiorniar-nerani peqataajumavugut.

Kviksølvip mingutsitsinera pakkersimaarniarlugu nunarsuarmioqatigiinni suliniarneq pingaar-uteqartoq aammalu nunanit amerlasuunit qujanartumik suleqatigiissutiginiarlugu Minamata-mi atsiogatigiittoqarnerata kingorma maanna nunarpassuit nunallu inoqqaavisa kattuffippaalui peqataaniarlutik isumaqatigiissimapput.

Nunarput tassunga isumaqatigiisummut atuuttuulersitsiniarluni sulinera taperserparput.

Saqqummiussaq naapertorlugu naalakkersuisunut apeqqutigiumavarput nunatsinni arnat nunanut allanut sanilliullugit kviksølvimik akoqarsinnaanerup qummut killissarititaa qaangerujullugu atugaanera annerusumik misissuiffiginiarneqarnerisooq aammalu tamanna nerisaqarnerinnartigut pi-unersoq apeqqutigerusunnarpoq. Pingaartumik avannaani arnanut attuumatillugu kisitsisit qaffasis-sorujussuunera ernumanartutut taasariaavoq peqqutigerpiangaallu ilisimasariaqarpoq.

Ilisimaneqartutuut avanersuarmi qaartartorsuaq atom-italik timmisartorsuup nakkarneranit ukiorpaaluit qaangiukkaluartut sukumiisumik isumannaatsumillu saliineq pisimannngisaannarpoq. Imartartsinnik inuussutigisatsinnik mingutsitsinerup angisoorsuusimanissaa eqqoriarnerin-nakkulluunniit oqaatigineqarsinnaavoq, taamaattoq taassuma kingorna innuttaasut peqqissusaanut aammalu sunniutigisimasarisinnaasaannik ilisimatuussutsikkut misissuisimaneq annertunerusoq pi-usimannngilaq.

Pingaaruteqarpoq siunissaq isigaluta mingutsitsinaveersaarnermik suliaqarnissarput kinguaassa-vullu eriagalugit atugassarititaasunik mianerinnissuugut, taamatulli oqareerluta aamma siuliani

Nunatta Qitornai

Inatsisartuni



pisarsimasut aammalu mingutsitsinerit angisuut pisarsimasut puigorneqaratik kinguneqartinneqartarnissaat akisussaatsisarnissarlu pingaaruteqarluinnartutut isigaarput. Nunatsinni allat mingutsitsisimani pequtugalugit inuiaasugut kingornutavut nalunngilavut saliititsiniartarnerlu ukiorpanngortuni sorsuutitta ilagaat.

Avatangiisitsinnik eriaginninneq tassaavoq kinaassutsitsinnik eriaginninneq. Taakku imminnut ataqtigiipput mianerisassaappullu.

Taamatut oqaaseqarluta siunnersuut taperserlugu avatangiisinut eqqissimatitsinermullu ataatsimiititaliamut ingerlateqqipparput.